



## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvaci, 1625**

Decima-Octava. De paupertate Christi sectanda, & cura temporalium  
abijcienda.

[urn:nbn:de:hbz:466:1-45790](#)

& perditio. Aeternū Patris Verbū id dicit, non te fallit, sed saluti tuae consultit. Amor mundi, perditio: amor Iesu, animæ redemptio. Amor carnis, stultitia: amor Iesu, sapientia. Amor creaturæ minuit creatoris amorem: amor creatoris dat omnibus creaturis abeundi licentiam. Non enim similia sapiunt, nec meritò conueniunt. Amor sui, plenus timore & angore: abnegatio sui, ineffabilis libertas. Amor sui, intestinum malum: qui tardò vincitur, nisi Deus perfectè diligatur. Contemptus sui, salutis indicium, & qui à contemptu incipit, in amore Iesu perficietur. Amor sui cor obscurat, parit rixas, tollitque profectum. Qui autem propter Iesum se abnegat, liber fit & pacatus. Amor Iesu tutus & fortis nescit molles & seipso querentes. Amor Iesu dat totum quod est & habet: nec querit, nisi quod nouit Deo placere.

2. Si vis plenè purgari & in spiritu clarificari, contemne te ipsum & omnia propter Iesum. Omne magnum in mundo, nihil tibi sit, omne iucundum amarescat: ut solus Deus, & dulcis Iesus, super omnia tibi dulcescat. Quid est in veritate amor Iesu, nisi contemtus tui iphius & omnium, propter amorem suum? Et hic est, qui inuenit se, & omne bonum in Deo. Saluare vis animā tuam, contemne nunc vitam præsentem. Si tenueris modò asperam viam, ibis in vitam aeternam. Durus videtur carnalibus & sæcularibus sermo abnegationis, & perditionis vita præsentis: sed amantibus Christum, super mel & fauum sapit dulcius: quia aeternum præparat regnum verax abnegatio sui propter Deum. Amor Iesu scit pati mala præsentia, & valet disrumpere commoda temporalia. Non timet vilipendi, nec affectat honores. Scit tacere ad iniurias, non cogitat reddere vicem lalentibus.

3. Amor Iesu habet consolationem inuisibilem expectat fructum immarcessibilem. Ego (inquit) elegi vos de mundo, per gratiam meam vocando: ut eatis à vobis ipsis, propriam voluntatem deserendo; & fructum charitatis afferatis, me super omnia diligendo: & fructus uester maneat, in aeterna benedictione mecum regnando. Fructus autem carnis mors est, quem vermis non moriturus sequitur, & ignis aeternus. A quo nos custodiat, qui mundum contemnere & carnem domare docuit Iesus Christus, amor & redemptio nostra. Amen.

Iesu. 15.

## DECIMA-OCTAVA.

*De paupertate Christi: secunda, & cura temporalium abiectienda.*

1. **V**ulpes foueam habent, & volucres cali nidos; filius autem hominis *Lucas 9.*  
non habet, ubi caput suum reclinet. Hic sermo Iesu tibi  
frequenter pensandus est, & diligenter cordi inserendus, qui reli-

P. 5

giosam

giosam affectas ducere vitam. Commendat tibi Iesus sancta pauperatis sua nobilitatem, qua regnum caeleste emitur: quam & ipse in mundo pauper elegit, ac strictissime seruanit. Imo nullum vult querere consolationem terrenam: quia nec ipse temporalis hic habuit requiem, nec materialem sibi statuit in terram ad commorandum. Habent animalia ad latitudinem latibula, & volatilia ad quiescendum nidos vel foramina: sed Iesus nulla penitus sibi erexit tabernacula, nec per interpositam personam adem procurauit aut mensam. Vixit autem, ut pauper mendicus: pertransiit viam mundi, velut peregrinus festinus: recessit ut hospes alienus. Non domum manufactam, aeterna sapientia sibi edificauit in vicis vel urbibus, nec extra urbem conduxit in locis uberrimis: sed communis contentus amicorum diversorio, simplicitatem egenorum sectatus est in omnibus, nusquam delectatus altis tabernaculis peccatorum. Quae autem sibi sustentationis gratia dabantur, haec in communis conferebat, & alterius deferenda cōmittebat. Nil proprium pro se habere volebat: pars autem usus est his, quae naturalis necessitas poscebat. Si quid forte supererat in denariis aut cibariis, haec pauperibus erogari faciebat. Proinde superfluam rerum curam, perfectis sectatoribus suis interdixit: infirmioribus autem fratribus, necessaria vitalementi bonitate concessit.

Matth. 17.

2. Suadebat aliquando ei Petrus tria fabricari tabernacula, cum in monte caelesti visione frueretur stupidus presentia Iesu clariori, & sanctorum Moysis & Eliiae consortio delectatus. Sed in hac petitione, quia minus congruentia petebat, non est exauditus. Quia Christi & beatorum habitatio non in terrenis tabernaculis, nec in corporeis imaginibus consistit, sed in caelestis regni mansione felici, quae omnem sensum & mortalium cognitionem excedit. Et quidem poterat fabricator caeli & terrae, Iesus fabri filius dictus, facilè condere domum vel templum nomini suo, etiam absq; securi & ascia: sed caelestis magister & artifex omnium virtutum, non propter corporalia reformanda descendit ad ima: quoniam non de lignis & lapidibus, non de bobus & pecudibus, non de praedijs & redditibus illi cura extitit: sed de animabus curandis, instruendis, ac redimendis. Declarauit autem potentiam suam factis potioribus, sanitates perficiendo tactu leui aut unico verbo. Sapientiam quoque docuit opere & sermone bono, loquens de regno Dei, dissuadens cali gaudia peritura. Collegit humiles & simplices, ac fastidiosos diuites dimisit inanes.

3. Depone ergo & tu omnem inutilem sollicitudinem rerum temporalium, de futuris prouentibus penitus te exoccupando: iacta autem cogitatum tuum in Domino, caelestia meditando.

Nec



Nec pro necessarijs vitæ aurè labores , vt abundes in posterum. Permitte & alios pro se laborare , vt habeant vnde vivant. Potius labora pro anima tua , & pro gratia acquirenda , quām vt caro bene pascatur vermbus corrodenda. Vide ne nimium pro temporalibus desudes , & in spiritualibus exercitijs te negligas . Bonum est quērere commune bonum , sed spiritale magis quām terrenū. Bonum est in sudore vultus edere panem , sed noli obliuisci panis cælestis. *Vt ore labore tuo in diebus vanitatis tuae ait Sapiens, ne forte homini oiciose & ingrato omnia dimittas.* Non vales tu solus omnes posteros ditare , nec cuncta damna præcauere. Stude potius poste relinquere exemplum virtutis quam sufficientiam terreni census . Quid scis , an expediat tibi & alijs amplius habere ? Noli multa desiderare ; nam desiderio numquam satis erit , nec extinguitur cupidio precio rerum.

4. Tu paupertatem Christi sectare , & modicitate naturæ esto contentus ob amorem eius qui nec prædia , nec redditus , nec cistas , nec domos habere voluit. Proh dolor , multi tempora sua cassa sollicitudine consumunt , parum vel raro ad interiora se conuertūt , & valde insensibiles intus sunt. Erige cor sursum , noli cum bestijs inhērere terrenis. Angelorum esca nutriendus es , verbum Dei animalium est cibus. Iste est panis vitæ , quem dabit tibi Dominus Iesus , ne in deserto deficias. Bonus & pius Dominus , qui promisit æterna , non negabit temporalia. Tu quēre cælestia , & ipse absque dubio adjicet necessaria , quamdiu es in hac vita .

## DECIMA - NONA.

*De fatigatione Iesu , & salutari eius doctrina.*

I. **I**esus fatigatus ex itinere , sedebat super fontem . Patientissimus Ioan. 4. Iesus pro nobis fatigari dignatus est . Non vehiculo , non curru , non equo usus est , dum ambularet per terram , sed in nomine Domini pedester incessit. Semel legitur asinum ascendisse , & per modicum spatiū asinasse ; magis ad exemplum humilitatis , quām ad usum commoditatis. Non ad captandum honorem , sed ad explendum propheticum sermonem . Exemplum igitur bonum sanctis prædicatoribus & religiosis personis ostendit , ne pompatice equitent , nec sumptuosas expensas in itinere faciant : ne secularibus scandalum , & conuentibus suis occasionem murmuris generent .

2. Attende hic frater religiose , Iesum fatigatum ex itinere , non transeuntem spatiari pro recreatione. Quod si recreari opus est , non palam nec longè abeas , ne tua euagatione alios offendas . Declina autem in partem fortis sanctorum , ubi verbum Dei audias ,